

Dadus relata 23 Juñu 2020

SUMÁRIU

- OMS entrega set tolu kit ba moras la hada'et (NCD kit) nian hanesan parte ida hosi apoiu kontinuasaun ba pandemia COVID-19. NCD kit ne'e hanesan set medikamentu ne'ebé mai iha pakote ida kompostu hosi ai-moruk esensial no instrumentu mediku nian hodi bele kompleta prioridade nesesidade saude NCD nian ba maizumenu ema hamutuk 30,000 durante fulan tolu nia laran durante emerjensia bainhira facilidade mediku no suprimentu baibain hetan interruptsaun. Peskiza foin lalais ne'ebé hala'o hosi OMS iha nasaun 155 hatudu katak iha interruptsaun boot ba servisu esensial ba NCD iha kuaze nasaun hotu – no ida ne'e aumenta tan risku ba sira ne'ebé sofre nanis ona moras NCD no halo sira aumenta moras liutan ka mate tanba COVID-19.
- Marie Stopes International (MSI) servisu hamutuk ho OMS no UNFPA fó asistensia ba Ministériu Saude (MS) hodi garante servisu ba servisu ba saude reprodutiva no seksual hodi continua disponivel durante krize COVID19. Durante ne'e MSI fornese servisu saude reprodutiva gratuita atu nunee kustu ne'e la'os sai hanesan barreira ba sira ne'ebé presiza asesu. MSI mós fornese hotu servisu ba planeamentu familiár, HIV, no STI, konsulta ante no pós-natal gratuita.
- Projetu monitorizasaun no avaliasaun ba responde COVID-19 iha sentru saude komunitaria (SSK) hosi MS ho apoiu tekniku hosi OMS no apoiu finanseiru hosi Korean International Cooperation Agency (KOICA) remata ona. Ekipa neen kompostu hosi doutór sira hosi OMS, ofisiais MS no ofisiais vijilansia distritu mak halo avaliasaun ba prontidaun facilidade no pesoal saude ba COVID-19 iha SSK 70 iha teritóriu tomak.
- MS ho apoiu tekniku hosi OMS hala'o sesaun orientasaun kona-ba NCD no COVID-19 ba pesoal saude nain 40 iha SSK Comoro.
- OMS partisipa iha Konsultasaun OMS Rejiaun Sudeste Áziatiku *on-line* ba avaliasaun interkalar (*midterm review*) kona-ba progresu fortalamentu Dékada Rekursu Umanu Setór Saude. Sein investe iha nasaun ne'ebé ho rekursu umanu setór saude forte ita sei labele manan hasoru pandemia hanesan COVID-19, ka atinji objetivu dezvoltamentu sustentavel ka atinji Kobertura Saude Universal (KSU).

SITUASAUN IHA NÚMERU

Totál no kazu (foun) iha Timor-Leste

24 konfirmadu (foun 0)

0 mate

(Bazeia ba dadus ne'ebé pública iha [Centro Integrado Gestao de Crise](#))

Tuir pájina WHO Timor-Leste

[Facebook](#) no [Twitter](#) no [MS](#)

Ba informasaun klean liutan no guia husi OMS kona-ba surtu atual Moras Coronavirus – 2019 (COVID-19) bele asesu iha [ne'e](#).

SITUASAUN GLOBÁL

Totál kazu (foun) iha oras 24 nia laran

Globalmente

8 860 331 konfirmadu (**181 232**)


445 535 mate (**5 245**)

AVALIASAUN RISKU OMS

Nível Globál Aas tebes




Data notifikasaun kazu foun no kumulativu COVID-19 iha Timor-Leste
(23-Jun-2020 : kazu foun-0 kumulativus-24)



Source : Direcção Nacional Controlo de Doenças - Departamento Vigiância Epidemiologia

Timor-Leste

Situasaun Nasional Kazu : COVID-19 Timor-Leste
(Kumulative figures)



Source : Direcção Nacional Controlo de Doenças - Departamento Vigiância Epidemiologia

OMS TIMOR-LESTE NIA OBJETIVU ESTRATÉJIU

- Hapara transmisaun hosi ema-ba-ema inklui hamenus infesaun sekundáriu entre sira ne'ebé maka iha kontaktu besik no pesoál saúde sira, haforsa liután prevensaun transmisaun kazu;
- Haforsa Sistema vijilánsia no aumenta kapasidade laboratóriu hodi detekta kazu COVID-19;
- Garante katak halo tuir duni padraun ba infesaun prevensaun no kontrolu (IPC) ne'ebé rigorozu tebes no hasa'e kapasidade ba IPC nian;
- Identifika, izola no kuida ba pasiente; inklui fornese mós kuida óptimu ba pasiente ne'ebé infetadu;
- Halo sosialisasaun ba informasaun risku no eventu ba comunidade hotu-hotu no hakotu informasaun la loos liuhosi servisu hamutuk ho parseiru sira.
- Hamenus impaktu sosiál no ekonómiku liuhosi parseria multisetorál.

REKOMENDASAUN NO KONSELLU BA PÚBLIKU

Fase ita-nia liman beibeik

Fase ita-nia liman ho dezinfetante ka fase ho sabaun no bee

Tanbasá? Fase ita-nia liman ho sabaun no bee ka uza dezinfetante sei oho virus ne'ebé hela iha ita-nia liman.

Mantein distánsia fíziku

Mantein distánsia fíziku pelumenus metru 1 (pasu 3) distánsia hosi ita nian a'an no ema seluk.

Tanbasá? Bainhira ema me'ar ka fani sira bele hada'et mós ho turuk-oan sai hosi sira-nia inus ka ibun ne'ebé dalaruma kontamina ho virus. Se ita besik loos ema ne'e, ita bele dada iis tama fali turuk-oan ne'e, inklui ho virus COVID-19 karik ema ne'ebé me'ar infetadu hela.

Evita ka'er ita nia matan, inus no ibun

Tanbasá? Ita-nia liman ka'er fatin barak no bele da'et virus ne'e. Bainhira kontaminadu ona, hosi liman bele transfere virus ba matan, inus ka ibun. Hosi ne'e, virus ne'e bele tama ba ita-nia isin no halo ita moras.

Prátika Ijiene Respiratóriu

Tenki asegura ita-boot, no ema ne'ebé besik ita, atu halo tuir ijiene respiratóriu. Ida ne'e signifika katak taka ibun, no inus ho liman sikun ka uza tixu bainhira me'ar or fani. Depois soe kedas tixu ne'e ba lixu fatin.

Tanbasá? Pártikula hada'et virus. Halo tuir ijiene respiratóriu, ita-boot sei proteje ema ne'ebé besik ita hosi virus hanesan inus metin, flu no COVID-19.

Se ita-boot isin-manas, me'ar no dada iis araska, buka lalais tratamentu

Hela iha uma bainhira moras. Se isin-manas, me'ar no dada iis araska, buka lalais tratamentu médiku no telefone uluk. Halo tuir instrusaun hosi autoridade saúde.

Tanbasá? Telefone antes sei permiti pesoál saúde sira atu bele direta ita-boot ba facilidade saúde ne'ebé loos. Ida ne'e sei ajuda proteje ita-boot no ajuda prevene hada'et virus no infesaun seluk.

Buka hatene informasaun no halo tuir konsellu ne'ebé pesoál saúde sira hatoo

Buka hatene nafatin informasaun ba dezvoltimentu ikus kona-ba COVID-19. Halo tuir konsellu ne'ebé ita-boot nia pesoál saúde sira hatoo, husi autoridade saúde nasional no lokal, ka empregador kona-ba oinsá atu proteje ita-nia an no ho ema seluk husi COVID-19.

Tanbasá? Autoridade nasional no lokal sei iha informasaun atualizadu kona-ba karik COVID-19 da'et iha ita-nia área. Sira maka fatin di'ak liu atu hetan konsellu kona-ba saida mak ita tenki halo hodi proteje an.

Ba matadalan kona-ba medida preventiva seluk disponivel iha [ne'e](#).

Informasaun COVID-19 Information no kontaktu média:

- Ministériu Saúde estabelese ona número *hotline* – 119 – ba COVID-19 ne'ebé maka ema hotu-hotu bele telephone hodi hetan informasaun relasiona ho COVID-19
 - Alende ne'e, [Pájjina Facebook MS](#) nian fornese atualizasaun loloos kona-ba dezvoltimentu COVID-19 iha rai laran
 - OMS Timor-Leste liuhosi nia [Pájjina Facebook](#) no [Twitter](#) mós disemina informasaun kona-ba medida preventive, pergunta no resposta, *myth-buster* no atualizasaun ikus kona-ba COVID-19 iha mundu tomak no iha rai laran. Ba media no pedidu ba entrevista bele manda ba singhsho@who.int no hasane@who.int
-